



## **Universitätsbibliothek Paderborn**

**Vita Eximii Dei Servi Alberti De Altissimis, Canonici  
Regularis Congregationis Lateranensis**

**Saracini, Paolo Emilio**

**Augustæ Vindelicorum**

Cap. XXVI. Corporis Alberti Habitus, temperamentum, gestuumque  
concinnitas.

**urn:nbn:de:hbz:466:1-37282**

in Servo suo glorificari dignaretur)  
hic, tanto Patre orbat, mæstissimi,  
spe verò, cœlestis ipsius retributio-  
nis, lætabundi posuere.

Anno Salutis M. DC. XVIII.  
V. Cal. Februarii, ætatis  
verò suæ LXXI.

## CAPUT XXVI.

*Corporis Alberti Habitus, tempera-  
mentum, gestuumque con-  
cinnitas.*

**C**eterum ne quidquam huic Historiæ  
desit, pauca hinc loci de Magni istius  
Patris corporis habitu, temperamento,  
ac gestibus memorare volui, in hoc com-  
plurium Authorum, qui Vitas aliorum  
descripserunt, morem imitatus.

Erat ergo Albertus staturâ mediocri,  
ossum compage satis firmâ, vix tamen  
vestita carne, nescio, an à naturâ hochab-  
uerit, aut verò ex nimia per labores,  
aliaque incommoda extenuatione pro-

v*c*

venerit, quibus corpus suum à prima æta-  
te macerare solitus erat: sanâ fuit corpo-  
ris constitutione, at minus robustâ, quam  
quam omnibus afflictionibus hactenus re-  
censitis, quin & majoribus preferendis  
haud impari: caput habebat mediocris  
magnitudinis, capillos subnigros, ultimis  
tamen annis nonnihil incandescentes:  
frons in gyro capillitium versus deficie-  
bat: hanc lineæ rectæ, oblongæ, ac pro-  
fundæ insederant: oculi aliquantùm pro-  
minebant, & dextero sinister amplius,  
sed id ex lapsu comitali habebat ortum,  
ob quem sinister altero magis lœsus fue-  
rat, nævo candido in oculi nigro rema-  
nente: dextero tamen oculo acutum cer-  
nebat, ut nunquam perspiciliis indiguerit.  
Facies tota nonnihil in longitudinem,  
arctitudinemque desinebat, & hoc forte  
propter maciem, quam tempora, genæq,  
excavatae, uti & mentum deciduum ma-  
nifestabant: nasum habebat grandem,  
labia crassa, cum barba admodum rara  
eiusdem cum capitinis capillitio coloris. Ip-  
se vultus color nihil ab eorum hominum

colore diversus erat, qui totos se se DEO  
consecrâunt, in continuis contemplatio-  
nibus & pœnitentiis versantes: hinc idem  
plurimum venerationis ac dignitatis præ-  
ferebat. Verbô, tota Alberti facies pri-  
mo aspectu S. Caroli Borromæi effigiem  
repræsentabat, id quod ipsi majorem apud  
plerosque venerationem & amorem con-  
ciliabat.

Temperamentum ipsius ob assidua  
macerationes erat corruptum, at quan-  
tum ad verti poterat, illud nonnihil attrac-  
bilis immistum habebat, hinc gravitatem  
quandam spirabat, & in moribus perquam  
compositus erat, & deprehendi non po-  
tuit, quod à quacunque naturali propen-  
sione ad rem minus rationi consonam,  
minusve justam, immò qualecumque  
hujus mundi, quæ non esset ordinata ad  
DEUM, pertraheretur: ad hæc internâ  
& occulta quadam vi animos aliorum at-  
trahebat, ut etiam ab omni istius mundi  
Criticorum censurâ, in quorum tribuna-  
libus innocentia cum vitio pari passu gra-  
diens, parem etiam condemnationis sen-  
tenciam.

tentiam subire cogitur, planè immunis esset, ut supra Cap. 15. Libri 2. vidimus, ubi hoc eius singulare Privilegium perstrinximus.

Gestibus erat compositissimis excluso omni inconcinno corporis motu: incedebat passu lento, & semper æquali: si rideret, os aliquantum inflectebat, sed non sine gratia & suavitate: at nunquam extra rhombum, utpote à quacunque vanitate alienissimus: si quem aspiciebat, eundem facie serena, & amœna lœtificabat: eius in loquendo tarditatem, nescio, an cauſſæ naturali adscribam, vel, quod omnia verba ad trutinam revocaret, ne quidquam superflui, vel minus considerate elaberetur, quippe quod *Temeritas* mater sit facundiæ vanæ, & sœpè sœpiùs extra rationis orbitam exerrantis. Nihilominus iis in rebus, quæ D E I honorem tangebant, magna cum emphasi linguam laxabat, & in eiusmodi argumenta tanto-perè se se immergebat, ut frequenter in singulares de D E O sensus non sine audiendum stupore abriperetur. In extre-

P S                    mam

mam ætatem delapsus incurvescebat,  
quod assidue genibus innixus absque ulla  
fulcro precibus instaret, & perenni mace-  
ratione, vigiliisque nunquam intermissis  
corpus afflictaret: interim senio gravatus,  
senem se minimè demonstrabat. Ut ver-  
bo absolvam omnia, noster Albertus, ho-  
minem sive internum, sive externum spe-  
ctemus, viva effigies, clarissimumque

Magni & Eximii DEI Servi *Speculum*  
& *Exemplar* erat.

\* \*

*Libri secundi Finis.*



IN.